

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De Valentiniani cæde, & Romæ expugnatione, & alijs qui illic imperitabant.
Cap. VII.

urn:nbn:de:hbz:466:1-12718

*De Valentiniani cede, & Romæ expugnatione,
& alijs qui illic imperitabant. Cap. VII.*

VM hęc in Oriente gerūtur, in antiqua Roma Aetius miserè interfectus est. Valentinianus quoq; partiu versu occidentem imperator, & Heraclius vna, à quibusdam Aetij militibus è medio sublati: insidijs à Maximo, qui imperium ambierat, propterea contra eos comparatis, quòd coniunx Maximi fuerat à Valentiniano stuprata, & per vim cōpressa. Ille Maximus Eudoxiam Valentiniā vxorē coegerit inuitam sibi nubere. Illa igitur, neque id sane immerito, hoc facinus & contumeliae, & turpitudinis maximæ loco ducēs, & omnem aleam, ut dicitur, iace-re cupiēs propter ea quæ maritus passus est (mulier enī est & propter pudicitiam quam ipsa amiserat atrox, & animo implacabili, cum pudicitiam retinere studens ea spoliatur, idque ab eo maxime cuius atrocitate virum amisit) mittit in Libyam ad Genzerichum, dona quām plurima illi dat, bonamq; spem etiam animo eius iniicit, de alijs in post-
rum potiundis: suadet vt ex inopinato imperium Romanū inuadat, polliceturque se omnia in manus eius tradituram. Quare confecta, Roma capitur. Genzerichus, vtpote barbarus, morum incōstantia et mobilitate præditus, fidē huic minimè seruauit, sed vrbe incensa, rebusque omnibus direptis. Eudoxia denique cum binis filiabus capta, reuertitur: inque Libyam se recipit, & Eudoxiam maiorem natu filiam, filio suo Honoricho collocat in matrimonium: Placidam autem natu minorem vna cum Eudoxia matre poste famulatu plane regio comitatam, quòd Martiani animum (nam & incendium Romæ, & imperatoris Valentiani filiæ tam contumeliosè tractatæ ei bilem mouerant) pacatum & tranquillum efficeret, mittit. Itaque Placidia ius-
su Martiani eam despondentis, nubit Olybrio, viro nobili ex ordine Senatorio: qui Roma capta, confugit Constantinopolim. Mortuo Maximo imperium Romanorum obtinet Auitus ad menses octo. Quo peste extincto, Maiorinus proximo anno suscipit imperij gubernacula: Maiorino etiam à Rhecimero Romanorum duce per insidias interempto, Seuerus trienno imperium occupauit.

Demor-